


*Septa caerulea*



Atq; sic Reductione in infinitum repetitâ ac reiteratâ, redibunt semper ijdem hi termini per omnes etiam infinitas species numeri, ita vt reductionis seu reducendi negotij nullus omninò sit futurus finis: Ideoq; cum tandem ad minutissimas quasdam species deuentum fuerit, prudens Logista reliquas sequentes & adhuc minutiores species iure negligat, atq; ab infinito labore manum tollat.

IV. Reductio Logisticorum scrupulorum in vulgares fractiones fit per continuam Multiplicationem specierum per 60. incipiendo à maximâ seu primâ versus sinistram specie, numerumq; proximè subsequentis speciei semper addendo, iterumq; atq; iterum equè ac prius multiplicando dextrorsumq; procedendo, idq; vsq; dum deuentum sit ad scrupula minima seu versus dextram vltima, & habebitur quesita fractionis vulgaris numerator. Nominator verò reperitur eâdem prorsus indagine, per continuam nimirum multiplicationem vnus integri seu 60. scrupulorum primorum, vsq; dum deuenitur ad minimam propositi Logistici numeri speciem, continuè videlicet per sexagenarium numerum, & habebitur oblata fractionis nominator. Eruntq; hac ratione Logistica scrupula in vulgarem fractionem reducta.

A 3

Atq;